

ԽՐԻՄԵԱՆ ՀԱՅՐԻԿԻ 70-ԱՄԵԱԿԸ

(Ա Պ Ր Ի Լ Ի 4)

Մի քանի օր ևս՝ և Խրիմեան Հայրիկը կը տօնէ իւր ծննդեան 70-երորդ տարեդարձը: Այդ օրը նւիրական օր է ամբողջ Հայութեան համար և մանաւանդ հայ ազգի այն մասի, որի համար տասնեակ տարիներէից ի վեր նա ներկայացնում է նորագոյն հայկական ոգու ամենագոյն մարմնացումը: Նա այսօր, որպէս և անցեալում, ամենահեղինակաւոր; ամենապատկառելի, ամենավստահելի ներկայացուցիչն է այն գաղափարի, որը մի պատրիարքի դարձնում է ներսէս, մի վիպասանի՝ Բաժիճի, անյայտին՝ Գօլօշեան: «Մուրճ»-ի խմբագրութիւնը չի կամենում առիթը բաց թողնել, իւր ներկայ համարի ճակատին այն մարդու անունը դրոշմելու, որից նա ստացել է իւր գաղափարի մի մասը: «Մուրճ»-ի խմբագրութիւնը վստահ է, որ ամեն մարդ, որը գին է դնում Խրիմեանի անունի հետ կապուած ուղղութեան, կը միանայ մեզ հետ՝ մաղթելու հռչակաւոր ծերունուն դեռ ևս երկար կեանք, իւր ծրագրի իրագործումը աւելի առաջացած տեսնելու համար:

ԱԻՆՏԻՓ ԱՐԱՍԻԱՆԵԱՆՑ